

卷二內因門

氣症

血症

疾症

飲症

傷食

傷酒

鬱症

脾胃

倦

虛損

癆瘵

蟲病

R242

44444

精證治彙補

江左書林印
卷二

證治彙補目錄

申江李用粹修之甫著

首卷

提綱門

中風

似中

傷風

附胃風

中寒

附外感陰毒
內傷真陰

暑症

附症夏濕
溫煎厥說

濕症

附風濕痺火
寒濕濕熱

燥症

火症

二卷

內因門

氣症

血症

痰症

飲症

傷食

附惡食不能食

傷酒

鬱症

附失精脫營

脾胃

勞倦

虛損

癆瘵

附傳尸癆鬱癆風癆

蟲症

三卷

外體門

發熱

惡寒

附產後惡寒呻吟

汗病

附盜汗心汗頭汗陰汗飲食汗

瘡疾

水腫 附肺脹身腫

痺症

瘰癧

四卷

上竅門

眩暈 附鬱骨頭重肝厥

頭風 附雷頭風大頭風

鼻病 附腦砂

咽喉 附伏氣疫氣

卷五

胸膈門

咳嗽 附肺痿胸痺肺癰痰火肺脹

吐血 附衄血咯血嘔血唾血咳血痰涎血齒衄血肌衄

嘔吐 附漏氣走哺食痺

反胃

班症 附妊婦發班發疹

破傷風

痛風 附鬼箭辨

黃病

癰風 附滇南傳歸秘方鵝掌風

麻木

頭痛 附眉棱痛腦痛

目疾 附偷針眼倒睫奉毛雀目眼

口病 附唇病齧舌舌病

面病 附類顯

耳病 附耳鳴耳痛膿耳耳聾停耳耳痒耳聾

齒病 附走馬疳齒蝕

喘急

哮喘

呃逆

痞滿

噎膈 附梅核氣

吞酸 附吐清水

嘈雜 附噯氣

惡心

消渴

癲狂

附中邪心風

癰症

驚悸怔忡

附卑慄失志

健忘

附驚恐

卷六

腹脇門

心病

附胃脘胸痛

腹痛

附腹中窄狹小腹

霍亂

積聚

脹滿

附虫蠱脹

脇痛

腰痛

附腎著

卷七

腰脇門

痿痺

附鶴膝風解休陰毒

疝氣

附木腎白液偏墜陰挺腎囊風

脚氣

附濕大脚心痛骨疽

厥症

附暴元急救法

卷八

下竅門

泄瀉

痢疾

便血

附腸風臟毒腸癖蠱毒血痔

溺血

便濁

附精濁

遺精

附夢遺鬼交

淋症

附小便類數

癰閉

附轉胞胞痺關格

遺溺

閉結附脾約陰結

脫肛

證治彙補卷之二

門人范超同叔

朱達倫并

上海李惺菴先生著

國邦慶章

男 謨丕文全較

氣症章

大意

氣者氤氲浩大之元氣當其和平之時源出中焦總統乎肺

原病式

在外則護衛皮毛充實腠理

在內則導引血脉升降陰陽周流一身運行不息

指臟腑

之所以相養相生者皆此氣也盛則

盈衰則虛順則平逆則病

編墨

內因

百病皆生于氣也怒則氣生喜則氣緩悲則氣消恐則氣下寒則氣收熱則氣滯驚則氣亂勞

則氣耗思則氣結憂則氣沉

內經

凡七情之交攻五志之間發乖戾失常清者遽變而為濁行者

抑遏而反止營運漸遠肺失主持氣乃病焉

原病式

外候

氣之為病生痰動火升降無窮燔灼中外稽留血液為積為聚為腫為毒為瘡為瘍為嘔為欬

言
卷二
為痞塞為關格為脹滿為喘呼為淋瀝為便閉經為胸脇脹疼為周身刺痛久則凝結不敢或如梅核窒碍于咽喉之間咯咽不下或如積塊攻衝於心腹之內發則痛絕補

脉法

下手脉沉便知是氣沉極則伏濇弱難治要大凡氣病輕者肺脉獨沉重者六脉俱沉又氣病

輕者肝脉獨弦重者脾脉亦絃也補

女人多氣

男子屬陽得氣易散女子屬陰得氣多鬱故男子氣病少女子氣病多正況嬌養縱妬性偏見

鄙或嬌媳婢妾志念不伸恚懷疑忌抑鬱無涯皆足致病補

七情病異

喜怒驚恐屬心膽腎經病則耗散正氣為怔忡失志精傷痿厥不足之病怒憂思悲屬肺脾肝

經病則鬱結邪氣為顛狂噎膈腫脹疼痛有餘之病冊

五志相勝

五志所傷以所勝者平之悲可以治怒以愴惻苦楚之言感之怒可以治思以污辱欺罔之言觸之思可以治恐以慮彼忘此之言奪之恐可以治喜以迫遽危亡之言怖之喜可以治悲以謔浪褻狎之言娛之凡此法者必詭詐譎怪無所不至然後可以動其耳目易其視聽也又熱可以治寒寒可以治熱逸可以治勞習可以治驚若徒事湯藥失所務矣和

氣症總治

調氣之法結者散之散者收之損者益之逸者行之上之下之摩之浴之薄之劫之開之發之
氣虛者掣引之素問滯者導之鬱者揚之熱者清之寒者溫之偏熱偏寒者反佐兩行之挾濕者
淡以滲之挾虛者補而養之六要虛甚者補斂之浮越者鎮墜之補

氣病變火

氣本屬陽亢則成火六要氣有餘便是火也原病式故滯氣逆氣上氣皆氣得炎上之化有升無降

蒸薰清道甚至上焦不納中焦不化下焦不滲宜清降氣道化氣凡加氣連山梔若概用辛香燥熱之劑

是以火濟火矣丹溪

氣病成痰

有尋常外冒是氣內着七情或偏食厚味致清濁相干噫氣少食或痞或痛此屬氣也然有屢
用辛溫暫開復結愈却愈滯蔓延日久為吞酸為嘈雜此乃氣生痰之症也若徒用香燥則津
液枯涸痰凝血瘀結成窠囊為痛為嘔乃反胃噎膈之漸也惟當平補調疎使脾胃清和則氣
道健行痞塞自解六要

氣兼痰火

氣與痰火同出異名三者湊合重則卒暴眩化輕則脹痛痞塞故治氣者不治其火則氣不降
不治其痰則氣不行故清痰降火為治氣之關節也景岳補

辛香暫用

辛香之劑但治初起鬱結之氣借此暫行開發稍久氣鬱成熟便宜辛涼以折之最忌香燥助火如明知傷冷受寒而病者方敢溫散亦暫法也

丹溪

氣病和血

氣主煦之血主濡之

難經

一切氣病用氣藥不效者乃氣滯而血不能波瀾也宜少佐芎歸活血

血氣流通而愈乃屢驗者故婦人宜調血以理氣男子宜調氣以養血

醫鑑

氣虛補脾

氣因于中

內經

故中州為元氣之母俗云氣無補法者此為氣實人言也如脾虛正氣不行邪着

為病當調理中州復健運之職則濁氣降而痞滿除如不補氣氣何由行

丹溪

六君子湯加減之

氣虛補腎

肺為主氣之標腎為主氣之本腎虛氣不歸元衝脉之火主衝清道為喘呼為呃忒為嘔噦為不得卧下皆當從下焦補斂之法不知者泛用調氣破氣而終不下降者氣之所藏無以收斂也必佐以補腎而氣始歸元門氣喘用觀音應夢散呃逆用桂附理中湯卧不下用八味丸大凡納氣歸元用砂仁補骨脂五味胡桃肉之類

氣症用藥

主以寬中散胸滿加蘇梗枳殼心下滿加枳實腹脹加厚朴大腹皮脇痛加柴胡橘葉腹痛加

烏藥枳殼小腸痛加木香沉香挾冷加乾薑肉桂挾熱加薑炒山梔挾虛加人參實滿加大黃
大約青皮破肝氣多用損真元之氣枳殼瀉滯氣過服瀉至高之氣香附散鬱氣須製過木香
調諸氣兼瀉肺橘紅專瀉陳皮兼補厚朴平胃氣前胡下氣推陳沉香降諸氣烏藥川芎紫蘇
俱能散濁氣從汗而散枳榔大腹皮能使濁氣下行而去後重有積者宜之萊菔子蘇子杏仁
下氣潤燥肺氣滯于大腸者宜之豆蔻沉香丁香檀香辛熱能散滯氣暴役者宜用稍久者成
火者忌用須以薑炒山梔從治之已上皆疎肝有餘氣病要藥若兼痰火兼積滯兼血有餘不
足各隨加減調氣用木香然木香性溫上升如鬱氣不舒固宜用之若陰火上衝胸喉似有氣
滯而非氣者則不可用木香以助火當加黃柏知母少佐枳殼血虛氣滯四物湯加香附陳皮
陰虛氣滯地黃湯加沉香石斛砂仁陽氣氣滯四逆湯加肉桂補骨脂氣虛氣滯六君子湯加
益智蘇梗肥人氣滯必挾痰以二陳湯加香附枳殼燥以開之甚者加蒼朮白芥子瘦人氣滯
必挾火宜蘇子山梔歸芍降以潤之婦人性執屬陰易於動氣痞悶脹滿而痛上湊心胸或攻
築脇肋腹中結塊月水不調或眩暈嘔吐往來寒熱一切氣候症氣天氣湯四七湯酌用之如
氣不升降痰涎壅盛者蘇子降氣湯氣不歸元以補骨脂為主取其壯腎氣以收濁氣歸就膀
胱使氣化而出也或白朮亦可以其能和胃胃和則氣自歸元此為脾腎兩虛者立法也若脾
腎兩虛氣不歸元喘促不卧者宜五味子胡桃人參之類氣鬱久則中氣傷不宜剋伐宜歸脾
逍遙二方佐以撫芎香附枳殼以舒鬱胎產同法

氣症選方

寬中散 統治氣症

白芷

寇

甘草

木香

厚朴

砂仁

丁香

青皮

陳皮

香附

為末

每服二

錢生薑水煎服脾胃虛人不可多用當以六君子兼之

四磨湯 治怒憂悲思氣滯于中

烏藥 枳殼 檳榔 沉香 四件各磨半小杯溫服和一法以二陳湯同用或煎或磨入

同服更效濟生方中所載內有人參無枳殼

正氣天香散 治九氣

烏藥 香附 陳皮 紫蘇 乾薑 為末每服一錢淡鹽湯調

蘇子降氣湯 治虛陽上攻氣不升降痰涎壅盛

蘇子 厚朴 陳皮 半夏 前胡 沉香 甘草 生薑水煎服虛冷人加肉桂五

分當歸黃芪

一法去肉桂加桑白皮白朮治哮喘嗽症愚意哮喘嗽症初起不宜用白朮當以茯苓代之

若久而易感常發者丸方中竟用白朮以治痰之源

忿氣飲 治忿怒太過肝氣上升肺氣不能降者

紫蘇 半夏 青皮 陳皮 大腹皮 赤苓 桑皮 白芍藥 木通 甘草

四七湯和劑治七情結成痰涎狀如破絮梅核在咽喉之間或中脘痞滿氣不舒快痰涎壅盛上

下喘息或呃逆惡心兼治憂思過度小便白濁者以此藥下青州白丸子最效

厚朴九分茯苓一分半夏一分紫蘇六分生姜水煎服治婦人惡阻大效

木黃化滯湯 氣治食濕麵結于中脘腹內微痛心下痞不思食

枳實五分柴胡四分木香三分陳皮五分甘草一分半夏 草豆蔻五分當歸二分紅花一分生姜

流氣飲子 治心胸痞滿膨脹嘔吐面目四肢浮腫二便閉塞及憂思太過鬱結成疾又治脚

氣浮腫痛上喘作脹大便不通及氣攻肩背胸脇走注疼痛

蘇葉 青皮 當歸 芍藥 烏藥 茯苓 桔梗 半夏 川芎 黃芪 枳實各一錢

甘草 陳皮 木香 大腹皮 枳榔 防風 枳殼各五分 生薑棗子水煎服

木香流氣飲和劑 治青濁不分膨脹浮腫二便不利口苦咽乾但此方藥味太多似難執定用

者因時制宜可也

半夏製二兩 青皮 厚朴製 紫蘇 香附炒 甘草各二斤 陳皮二斤 肉桂 蓬木腰 丁香 枳榔

麥門冬去心 木香 草菓各六兩 木通八兩 藿香 白芷 赤苓 白朮 木瓜 人參 石菖蒲

各四兩 大腹皮製六兩 每服四錢姜棗水煎服

四炒枳殼丸 治氣血內滯胸腹膨脹

枳殼一斤 分四分以蒼朮茴香萊菔子乾漆各炒一分令焦揀去四味止用枳殼為末將原四

味煎汁打糊丸如桐子大每服五十丸白湯下

四製香附丸

推氣散 平肝降氣

枳殼 肉桂 芍藥 青皮

煨葱散和劑治冷氣不行攻刺心腹

延胡索三兩 肉桂兩 乾薑炮二兩 蒼木炒八兩 甘草炙八兩 砂仁 丁皮 檳榔各四兩 三棱煨 蓬朮煨

茯苓 青皮各六兩 為末每服二錢葱白煎服

鹽煎散 治冷氣攻冲胸脇刺痛及脾胃虛冷嘔吐瀉利

砂仁 甘草 茯苓 草菓 肉菓 川芎 茴香 澄茄 麥芽 檳榔 良姜 枳殼

厚朴 陳皮 羌活 蒼朮 入鹽少許煎服

梔子解鬱方 治氣有餘便是火之症此藥能解五臟結氣益少陰陰血

梔子一味炒黑為末以姜汁入湯同煎飲之 凡鬱熱症藥中加姜炒山梔其義實出于此

沉香化氣丸 治氣鬱久而成熱便閉不通用此潤下之

堅大黃 黃芩 沉香 人參 白朮 為末入竹瀝姜汁少許為丸淡姜湯下一錢

越鞠丸丹溪治氣鬱久病用此開鬱清解

茅山蒼朮炒 撫芎 香附各二兩 山梔炒 神麴各一兩 為末滴水丸如菜豆大白湯下百

粒

已上諸方治氣家有餘實症若虛弱者以後法治之

四君子湯

治氣症脾胃虛而食少瀉多脉虛濡不可剋削破氣者

六君子湯

治氣症脉虛屬脾虛挾痰者二方見類中風

生脉散

治氣虛脉虛

歸脾湯

治喜怒驚勞氣散於內并治房勞後着氣厥逆不省少頃復醒而脉虛細者用此養

元不可服破氣

方見中風

補中益氣湯

治勞倦後着氣或久病後氣逆不通用此補氣而氣自行方見中風

觀音應夢散

夷堅志

治氣虛脉弱喘呼不卧者

人參

一胡桃一枚

水煎服一方加五味子杏仁

理中湯

治中風虛寒餒弱不振虛脹虛瀉胸腹脹滿按之濡而不硬者方見中寒

八味丸

治氣虛屬房勞傷腎真火不能生脾土因而腹脹足腫腰痛溺短者方見中風

養正丹

和劑

治上盛下虛氣升不降元陽虧損氣短身羸及中風涎潮不省人事傷寒陰盛自汗

唇青婦人血氣久冷

水銀

黑錫去渣淨秤與水銀結砂子硃砂研

硫黃研各一兩

用黑蓋一隻火上熔黑鉛成汁下水銀以柳條

攪次下硃砂攪令不見心放下少時方入硫黃末急攪成汁和勻如有噉起以醋酒之候冷

取出研極細煮糯米糊丸菜豆大每服三十丸鹽湯棗湯任下

血症章

大意

血者水穀之精氣也

玉机

飲食入胃取汁變化生于脾摠統于心藏于肝宣布于肺施泄于腎

經內

和調五臟灑陳六腑其入于脉也源源而來灌溉一身

玉机

目得血而能視耳得血而能聽手得

血而能攝掌得血而得握足得血而能步臟得之而能液腑得之而能氣

內經

是以出入升降之

道濡潤宣通者皆血之使然也生化旺則諸經由此而長養衰耗竭則百脉由此而空虛

玉机

內因

天地之道陽常有餘而陰不足故人身精血難成而易虧

丹溪

女子二七而經行七七而經斷男

子二八而精通八八而精竭

內經

可見陰氣之成止供三十年之運用已先虧矣况人之情慾無

涯喜怒不節起居不時飲食自倍榮血亂行內停則為蓄血外溢則為滲血

彙補

外候

妄行於上則吐衄衰涸于內則虛勞流滲于下則便血熱蓄膀胱則溺血滲入腸間為痔血陰

虛陽搏為崩中濕蒸熱瘀為血痢熱極腐化為膿血火極似水色紫黑執勝于陰為瘡瘍濕滯

于血為癰疹熱極沸騰為發斑蓄在上令人喜忘蓄在下令人如在墮恐跌仆則瘀惡凝結內

滯痰污則癥瘕積塊

玉机

血分經來

從肺而溢于鼻者為衄從胃而逆于口者為吐從腎而夾于唾者為咯從嗽而來于肺者為咳又痰涎血出於脾牙宣出于腎舌衄出於心繩肌衄出于心肺腦血出于膀胱補

血分輕重

大抵血病於內瘀則易治乾則難醫血走於外下流為順上溢為逆凡血症身無潮熱者輕有潮熱者重如九竅出血而兼身熱不能卧者死惟婦人產後瘀血妄行九竅出血有用逐瘀之藥而生者不可遽斷其必死若無故卒然暴厥九竅出血者死久病之人忽然上下見血亦死所謂陽絡傷則血外溢陰絡傷則血內溢也彙補

血症脉法

脉者血之府也注于脉少則瀦盛則滑充則實衰則虛虛甚則微細此其常也若失血而脉反洪大中空者即為芤脉蓋陰血既虧陽無所依浮散于外故見此象所以產後失血後恒得芤大之脉設不明辨誤用寒涼則謬叔承故崔氏曰諸症失血皆見芤脉隨其上下以驗所出又尺脉滑而疾者亦為血脉肝脉弦而緊症兼脇痛者有瘀血大凡失血脉滑小沉弱者生實大急數者死脉經

總治

血症有四曰虛曰瘀曰熱曰寒治血之法有五曰補曰下曰破曰涼曰溫是也血虛者其症朝

涼暮熱手足心熱皮膚乾澁甲錯唇白女子月事前後不調脉細無方法宜補之血瘀者其症在上則煩躁漱水不嚥在下則如狂譫語發黃古黑小腹滿小便自長大便黑而少法宜下之在女子則經停腹痛產後小腹脹痛手不可按法宜破之血熱者其症吐衄咳咯溺血午後發熱女子月事先期而來脉弦而數法宜涼之血寒者其症麻木疲軟皮膚不澤手足清冷心腹怕寒腹有塊痛得熱則止在女子則月事後期而痛脉細而緩法宜溫之又有吐衄便血久而不止因血不能附氣失於婦經者當溫脾腎二經脾虛不統攝者用姜附以溫中焦腎虛不歸經者用桂附以溫命門皆溫之之法也

六要

調氣

氣血者同出而異名也故血隨氣行氣行則行氣止則止氣溫則滑氣寒則凝凡涼血必先清氣氣涼則血自歸經門入活血必先順氣氣降而血自下行溫血必先溫氣氣暖而血自運動養血必先養氣氣旺而血自滋生景補

血虛補氣

陽生則陰長血脫則益氣

仲景

凡上下血溢大出不止者宜甘補之品急補元氣

三錫

蓋血病每以

胃藥收功胃氣一復其血自止門入昧者不知調理脾胃之法概用滋陰致食少瀉多皆地黃純

陰泥膈之故也

三錫

血氣所本